

Hierdie sake (wat geïdentifiseer moet word gedurende die omvangfase en waartoe bygevoeg moet word waar nodig) sal die OIS-fase inisieer, waar spesialiste aangestel sal word ten einde voorsiening te maak vir ingeligte besluitneming betreffende die uitwerking van die voorgestelde aktiwiteit op die omgewing.

### Spesialisstudies

Gegron op die aanvanklike begrip van die studieveld en die voorgestelde aktiwiteit, asook vorige ondervinding met soortgelyke OIS'se, word daar verwag dat die volgende spesialisstudies verlang mag word:

- Argeologie en Antropologie;
- Ekologie;
- Landbou;
- Visuele Impakstudie;
- Toerisme;
- Avifauna (voëllewe); en
- Maatskaplike Impakstudie.

### Wetlike Vereistes

Kragtens Regeringskennisgewing No. 1182, gepubliseer op 5 September 1997 en gepromulgeer kragtens die Wet op Omgewingsbewaring No. 73 van 1989 (WOB), benodig Eskom Transmissie magtiging van die toepaslike omgewingsowerheid vir die onderneming van die voorgestelde aktiwiteit. Ten einde hierdie magtiging te verkry, moet 'n omvattende onafhanklike omgewingsimpakstudie onderneem word ingevolge die OIS-regulasies. Daarom doen Eskom Transmissie aansoek vir magtiging kragtens die WOB vir die oprigting van die hoogspanningslyn en het Tswelopele Environmental (Edms.) Bpk. aangestel om hierdie aansoek te voltooi kragtens die vereistes van Staatskennisgewing 1183. Openbare deelname maak 'n integrale deel uit van die omvangfase van die Omgewingsimpakstudie(OIS)-proses.

### Wat is die Omgewingsimpakstudie(OIS)-proses?

'n Omgewingsimpakstudie is 'n doeltreffende beplanning- en besluitnemingproses om die fisiese, maatskaplike en ekonomiese impakte wat 'n gegewe ontwikkeling kan hê, te beskryf en te assesseer.

Ten einde die besluitnemingproses in te lig, is dit belangrik dat openbare kwessies en kommer betyds geïdentifiseer word, om die OIS tegniese spesialiste in staat te stel om dit

te evalueer. Die verskeie spesialiste identifiseer ook potensiële negatiewe en positiewe impakte wat kan opduik as gevolg van die voorgestelde projek. Hulle identifiseer toepaslike versagende maatreëls wat benodig word om negatiewe impakte te vermy of te verminder en om positiewe impakte te versterk.

Die OIS-proses maak voorsiening dat die gevolge van 'n voorgestelde projek op die omgewing vooraf geïdentifiseer word, regdeur die impakstudieproses ondersoek word en in ag geneem word deur die besluitnemingsoverhede.

Die OIS-proses funksioneer in twee fases: die Omvangfase en die Omgewingsimpakverslagfase (OIV). Gedurende die omvangfase sal alternatiewe (vir terrein en roete) geëvalueer word en 'n aanbeveling vir die gunstigste alternatief sal gemaak word. Dit sal verder ondersoek word gedurende die OIS-fase. Gedurende die omvangfase sal kommentaar van belangstellende en geaffekteerde partye aangemoedig word, sodat alle potensiële impakte oorweeg kan word. Waar moontlik, sal versagende maatreëls voorgestel word. Die Omvangverslag sal daardie aspekte identifiseer wat spesialissondersoek gedurende die OIV-fase sal verlang.

### Die stappe wat geneem word gedurende hierdie OIS proses sluit die volgende in:

- Terreinbesoeke met owerhede voor aansoek
- Verspreiding van Agtergrondinligtingsdokumente aan geregistreerde Belangstellende en Geaffekteerde Partye (B&GP's) in die gebied
- Kennisgewing van die voorgestelde projek en die OIS en uitnodiging om die openbare vergaderings by te woon. Dit sluit in advertensies in koerante, plakkate en terreinkennisgewings.
- Openbare vergaderings wat gehou word vir alle B&GP's
- Teken alle sake en terugvoering van B&GP's aan in 'n Sake- en antwoordverslag (SAV)
- Opstel van Konsep Omvangverslag (beskryf projek, evalueer impakte en stel toepaslike versagende maatreëls voor) (die SAV sal by hierdie verslag aangeheg word)
- Beskikbaarstelling van 'n Konsep Omvangverslag (vir openbare kommentaar)
- Voorlegging van Finale Omvangverslag aan owerhede vir besluitneming.
- Na verkryging van owerhede se Rekord van Besluite, adviseer belanghebbendes oor die besluit, asook verdere toepaslike prosesse.

### U rol in Openbare Deelname

Openbare deelname vind plaas regdeur die OIS-proses (hierbo beskryf) en sluit die volgende stappe in:

#### Advertensie

deur koerante, plakkate, kennisgewings en AID's

#### Registrasie

van B&GP's op die databasis

#### Raadpleging

lig B&GP's in deur openbare vergaderings en fokusgroepe

#### Sakeverslag

Opsomming van sake uitgelig deur B&GP's en belangrike belanghebbendes

#### Kommentaar oor konsepte

Nooi B&GP's uit vir kommentaar oor konsep Omvang- en IS-verslae binne 'n 30-dae kommentaartydperk

### Ons het wel u bydrae nodig

Alle kommentaar wat gedurende die OIS-proses ontvang word, sal in detail aangeteken word, in die Finale Verslae ingelyf en aan die betrokke omgewingsowerheid uitgereik word vir oorweging voordat hulle 'n besluit sal neem of die voorgestelde ontwikkeling toegelaat sal word om voort te gaan.

### Hoe om Kontak te maak

Kommentaar kan gelewer word op enige van die volgende maniere:

- Voltooiing en terugstuur van die kommentaarblad ingesluit in hierdie Agtergrondinligtingdokument
- Skriftelike voorleggings (per faks of pos)
- Kommentaar per e-pos of per telefoon ten einde voortgesette betrokkenheid te verseker

**Sien asseblief toe dat u as Belangstellende Party geregistreer word**

